

人

鏡

上

上海中華書局印行

人鏡序

處學絕道喪之秋。當大義晦盲之會。天下滔滔。皆縱其亡等之欲。而爲爭權攘利之行。顛倒是非。淆亂黑白。傾軋凌轢。莫知所屆。而政治日儉。而風俗日頹。靡靡中夏。將有亡國覆種之禍。於此而思所以補救之。挽回之。其惟正人心以正風俗乎。其惟崇道德以敷政治乎。政治者治世之具。而道德其根本也。風俗者一世所趨。而人心爲轉移也。時無論古今。國無論中外。未有不以人心道德爲立國之本。進化之原者。管子曰。禮義廉恥。國之四維。四維不張。國乃滅亡。顧亭林曰。有亡國。有亡天下。易姓改號。謂之亡國。仁義充塞。而至於率獸食人。人將相食。謂之亡天下。曾文正公曰。人心善惡之幾。與治亂之幾相通。英儒斯賓塞羣學進種三大例曰。一、民未成丁。功食爲反比例率。二、民已成丁。功食爲正比例率。三、羣已並重。則舍己爲羣。用三例者羣昌。反三例者羣亡。斯邁爾曰。一國之強弱。視人民之德行。是故人心道德。其於人國也。

爲藥。爲水。爲土。爲魂。爲元氣。國而無此。則顛而踣。傾而覆。不可一稔與立於世宙。曰孝。曰弟。曰忠。曰信。曰禮。曰義。曰廉。曰恥者。中國之所謂道德。所以範圍人心。而爲治國之經。立國之本者也。曰博愛。曰合羣。曰公益。曰公理。曰愛國。曰保種。曰義務。曰人格者。西國之所謂道德。所以救正人心。而爲立國之要素。進化之大原者也。文明聖世。崇禮重道之國民。平時則和悅謙恭。急公好義。爾勿我詐。我勿爾虞。苟爲大義所在。則雖斷脰決腹。而甘之如飴。寧犧牲其自己之利益。以貢獻於一國一羣。一若有甚樂乎此者。蓋其公益重於私利。天理勝於人欲。人心正而道德高也。人心正道德高。故其處己也。仁民而愛物。其治事也。爲國而忘家。其敷政立法也。爲一羣而不爲一人。爲天下之公。而不爲一二人之私。夫如是。則國強而羣昌。吾國國勢之不振。至今日而極矣。政治之錯亂。社會之污濁。亦至今日而極矣。推其所以致此之故。曷莫非人心不古。道德淪亡。私利人欲之橫流潰決。有以使之然歟。人人知有己而不知有羣。知有私而不知有公。知有家而不知有國。凡可以利一己私一家者。無不優爲。

之而害羣害國。害社會。害天理。皆在所不計。舉凡昔之所謂凶德。曰妬。曰貪。曰吝。曰私。曰殘。曰鄙。曰奸詐。曰刻薄。曰讒媚。曰狡猾。曰無恥。曰陰賊險狠。曰放僻邪侈。曰損人利己。而爲名教所不齒。綱常所不容者。而今則昌言之。昌爲之。覩不爲怪。毫不知恥。其稍知自愛者。乃至不能見容於斯世。噫。人心至此。道德至此。尙堪問乎。以言夫今日之政治。則共和政體也。議會制度也。皆歐美之所謂良法美制也。而施之於中國。則變爲搗亂之具。弊害之叢。法律也。政團也。平等自由也。皆西國所謂最高尙之名詞也。而施之於中國。則成爲極惡之物。至劣之品。蓋其人心凋敝。道德陵夷。故其政治學術。社會風俗。無一而不受其影響。斯猶以沙漠之地。石屑之區。雖植以名花佳菓。亦終有萎敗而枯黃耳。然則欲救今日之中國。舍崇道德以敷政治。正人心以挽風俗外。其道曷由。譬猶蒔卉。政治其枝葉。道德其根本也。譬猶江河。風俗其流派。人心其源泉也。正其本。澄其源。以植人極。以張國維。以牖民彝。以救世變。顧亭林曰。天下興亡。匹夫有責。雖曰不敏。烏敢不勉。爰本斯義。集平日所錄古今中外名人

書之嘉言懿行。擇其最爲警闢。足以發人猛醒者。分類編述。凡爲二十二篇。始於存心。終於風氣。中於脩己治人處事經世之道。三致意焉。命名曰人鏡。其義蓋取墨子以人爲鏡。則知吉凶之意。並期人皆以此爲鏡。亦欲以救正人心者。挽回一世之風氣。以提倡道德者。改良今日之政治而已。嗟乎。人之欲善。誰不如我。山傾鐘應。苔異岑同。孟子曰。聞伯夷之風者。懦夫有立志。又曰。奮乎百世之上。百世之下。聞者莫不興起。吾國人其亦聞風而興起乎。則吾炎黃之裔。神明之胄。庶不至終古而陸沉。

中華民國八年夏月岱陽于傳林漢青氏序於濟南

例言

集諸家之說。分類爲書。漢有白虎通。宋有近思錄。清有漢儒通義。集先賢之言行。分類並述。明有人譜類記。今兼做其例。採及經說者。做白虎通之例也。言行並述者。做人譜類記之例也。以義相屬。類聚羣分。做近思錄及漢儒通義之例也。著明某家之說。而記其名於文末。做近思錄及漢儒通義之例。而變其體者也。採及西人近人。明古今中外。理無二致也。或以諡稱。或以字稱。或以名稱。或以別號稱。取人所易知也。錄其文。必兼書其文之原因。而其義益著者。並兼書其原因。如書札日記家訓之類。是也。排比次第。或先或後。或取一義之相屬。或取兩義之相輔。或取中西之比較。俾讀者易興觀也。漢宋家法。朱陸異同。新舊相爭。意見水火。今則兼採諸家。同冶一爐。但期有益於身。有用於世。無漢學。無宋學。無新學。無舊學也。四書六經。義豐詞約。朱子百家。汗牛充棟。後學末儒。驟難領會。今則擇其要。採其精。取其長。棄其短。或節錄。

其文俾隱者顯。繁者簡。有收歛。有發揚。使人無賢愚。無貴賤。無新舊。無士農工商軍。人均可開卷瞭然。自得師鑒。則補偏救弊。愚者明。柔者強。善者勸。而惡者懲也。若夫有一語而於各類互有關聯。有多語而或限一隅。不能備載。割裂掛漏。在所不免。是則在讀者引而伸之。觸類而長之。融會貫通。存乎其人也。

八年夏月傳林記

人鏡目錄

卷上

篇一 存心

篇三 慎獨

篇五 勵志

篇七 自立

篇九 慎行

篇十一 接物

卷下

篇十二 處世

篇十四 觀人

篇二 養性

篇四 克己

篇六 求學

篇八 謹言

篇十 治家

篇十三 作事

篇十五 用人

人鏡

篇十六 聽言

篇十八 治軍

篇二十 毀譽

篇二十一 風氣

篇十七 爲政

篇十九 境遇

篇二十一 功業

人鏡 卷上

篇一 存心

心。纖。也。所。識。纖。微。無。物。不。貫。也。劉氏釋名

人。之。有。心。爲。精。氣。主。思。慮。可。否。然。後。行。之。趙氏孟子章句

凡。氣。從。心。心。氣。之。君。也。何。爲。而。氣。不。隨。也。董氏春秋繁露

心。欲。其。定。氣。欲。其。定。神。欲。其。定。體。欲。其。定。曾文正家書

知。止。而。後。有。定。定。而。後。能。靜。靜。而。後。能。安。安。而。後。能。慮。慮。而。後。能。

治。心。有。無。窮。工。夫。敬。之。一。字。乃。大。總。括。高忠憲

方。寸。憧。憧。學。者。通。病。惟。主。敬。可。以。攝。之。張履祥

朱子主敬陸子主靜宋儒學案

聖賢之言最是靜字工夫要緊大程夫子是三代後聖人亦是靜

亦是靜字。有工夫所以他能不動心。若不靜省身也不密見理也不明。都是浮的。總是要靜。又曰。凡人皆有切身之病。剛惡柔惡。各有所偏。溺焉既深。動輒發現。須自己體察所溺之病。終身在此處。克治余比告先生。素有忿狠不顧氣習。偏於剛惡。既而自窺所病。只是好動不好靜。先生兩言蓋對症下藥也。務當力求主靜。使神明如日之升。卽此以求其繼續繼續者。卽所謂緝熙也。知此而不行。眞暴棄矣。眞小人矣。會文正日記

樹棠來與言養心養體之法。渠言舍靜坐更無下手處。能靜坐而天下之能事畢矣。因教我焚香靜坐之法。所言皆閱歷語。靜中眞味。煞能領取。又言心與氣總拆不開。心微浮則氣浮矣。氣散則心亦散矣。此卽孟子所謂志壹則動氣。氣壹則動志也。同前

心以收斂而細氣以收斂而靜。同前
每日靜坐一二小時。求其放心。使清明在躬。氣志如神。夢劇不亂。寵辱不驚。他日一

切成就皆基於此李文忠

靜坐是養氣工夫可以變化氣質劉忠介

靜非徒寂守而已卽有時臨事匆忙應接不暇而神閑識定條理秩然此何等鎮靜語云石破天驚神色不變蓋從涵養得來胡達源

自戒懼而約之以至於至靜之中無少偏倚而其守不失則極其中而天地位此絛絛者由動以之靜也自謹獨而精之以至於應物之處無少差謬而無適不然則極其和而萬物育此穆穆者由靜以之動也由靜之動以神主之由動之靜有鬼司之終始往來以敬貫之曾文正日記

日內不敬不靜常致勞乏以後須從心正氣順四字上體驗同前

清明在躬則氣志如神天下固有昏濁營亂之心境而可以決大事立大業者李文忠

倉卒患難中處事不亂必其胸中器局不凡素有定力不然胸中先亂何以臨事古

人平日欲鎔養器局。正謂此也。張無垢

人能於應務繁冗中。常使此心。澹空久久。純熟。古賢何不可到也。姚鼎

吾輩膺此繁劇。原難靜養。然紛紜擾攘中。每日須有一二時。涵養太和。陶寫胸趣。李

文忠

多讀古人書。靜思天下事。乃可斂浮氣。而增定力。李文忠

經史古文。日課精嚴。不獨可養身病。兼以涵養心氣。同前

士君子要養心氣。心氣一衰。天下萬事分毫做不得。呂坤

看書眼蒙如老人。蓋安肆日偷。積偷之至。腠理都極懈弛。不復足以固肌膚。束筋骸。

於是風寒易侵。日見疲輒。此不能居敬者。不能養小體也。又心不專一。則雜而無主。

積之既久。必且伎求迭至。忿慾紛來。其究也。則搖搖如懸旌。皇皇如有所失。總之曰。

無主而已。而乃釀爲心病。此不能居敬者。之不能養大體也。是故吾人保父母之遺

體。舍居敬外。更無別法。內則專靜純一。以養大體。外則整齊嚴肅。以養小體。如是而

不自強。吾不信也。嗚呼。言出汝口。而汝則背之。是何肺腸。曾文正日記

人生共爲五分四分爲品行。其一分則屬於禮貌。安諾爾

飯後無所事事。心如懸而不降者。知其不能定。且靜也久矣。靜字全無工夫。欲心之凝定得乎。曾文正日記

鍊識有道。凡經權常變之理。皆體會於心。則識定矣。識定者。權衡有準。鍊膽有道。凡道義剛大之氣。皆充足於心。則膽定矣。膽定者。雷霆不驚。胡達源

寫字時。心稍定。便覺安恬些。可知平日不能耐。不能靜。所以致病也。以後卽以此養心。曾文正日記

存心則緝熙光明。如日之升。修容則正位凝命。如鼎之鎮。內外交養。敬義夾持。何患無上達。同前

胸襟宜淡遠。游心虛靜之域。獨立萬物之表。同前

神明則如日之升。身體則如鼎之鎮。此二語可守者也。惟心到極靜時。所謂未發之

中寂然不動之體。畢竟未體驗出真境來。意者只是閉藏之極。逗出一點生意來。如冬至一陽初動時乎。貞之固也。乃所以爲元也。蟄之坏也。乃所以爲啟也。穀之堅實也。乃所以爲始播之種子也。然則不可以爲種子者。不可謂之堅實之穀也。此中無滿腔生意。若萬物皆資始於我心者。不可謂之至靜之境也。然則靜極生陽。蓋一點生物之仁心也。息息靜極。仁心不息。其參天地之至誠乎。顏子三月不違。亦可謂洗心退藏。極靜中之真樂者矣。我輩求靜欲異乎。禪氏入定。冥然罔覺之旨。其必驗之此心。有所謂一陽初動。萬物資始者。庶可謂之靜極。可謂之未發之中。寂然不動之體也。不然。深閉固拒。心如死灰。自以爲靜。而生理或幾乎息矣。況乎其並不能靜也。有或擾之。不且憧憧往來乎。深觀道體。蓋陰先於陽信矣。然非實由體驗得來。終掠影之談也。同前

聖賢只戒慎恐懼。自無許多間思妄念。不求靜。未嘗不靜也。高道淳千紛百擾中。此心不亂。千撓百逆中。此氣不動。此之謂至靜。呂新吾

凡仁心之發必一鼓作氣盡吾力之所能爲稍有轉念則疑心生私心亦生曾文正家書

強自禁制降伏此心釋氏謂之降龍伏虎龍卽相火也虎卽肝氣也多少英雄打此兩關不破亦不僅余與弟爲然要在稍稍遏抑不令過熾古聖所謂窒慾卽降龍也所謂懲忿卽伏虎也釋儒之道不同而其節制血氣未嘗不同總不使吾之嗜慾戕害吾之生命而已曾文正家書

今人但知觀道書談佛理而不能屏絕嗜欲澄澈此心則與小人何異人能讀聖賢書行仁義事去人欲存天理建不朽事業則與成佛何異余述言爲人大患莫大乎私利西哲格言

自戒潮烟以來心神彷徨幾若無主遏慾之難類如此矣不挾破釜沉舟之勢容有濟哉曾文正日記

去山中之賊易去心中之賊難同前

無欲則心清。心清則識朗。識朗則力堅。李天植

不爲聖賢便爲禽獸。莫問收穫。但問耕耘。曾文正日記

默坐思此心。須常有滿腔生意。雜念憧憧。將何以極力掃卻。勉之。曾文正日記

人欲修德寡過。必須如刈園中之雜草。非先自一隅著手。則不能盡拔全園之惡莠。

佛蘭克令

萬起萬滅之私。亂吾心久矣。今當一切掃除。以全吾之湛然。薛文清

凡一言一行。須自問於良心。有所悔否。勿自陷於不義。華盛頓

良心者。人生之基礎也。雷利

倭良峯前輩先生言。研幾工夫。最要緊。顏子之有不善。未嘗不知。知之未嘗復行。是

研幾也。周子曰。幾善惡。中庸曰。潛雖伏矣。亦孔之昭。劉念臺先生曰。卜動念以知幾。

皆謂此也。失此不察。則心放而難收矣。曾文正日記

種樹必培其根。種德必培其心。同上